



2011ko urriaren 13ko Lanbide Heziketako eta Etengabeko Ikaskuntzako sailburuordearen ebazpena, 18 urtetik gorako pertsonak 2011-2012 ikasturtean Derrigorrezko Bigarren Hezkuntzako Graduatuaren titulua lortu ahal izateko probei buruzkoa.

Maiatzaren 3ko 2/2006 lege organikoak, Hezkuntzari buruzkoak (LOE), 5. artikuluan xedatutakoaren arabera, pertsona guztiek izan behar dute, hezkuntza-sisteman eta hezkuntza-sistematik at, bizitzan zehar prestakuntza jasotzeko aukera, haien garapen pertsonal eta profesionalerako gaitasun, ezagutza eta trebetasunak eskuratu, gaurkotu, osatu eta zabaltzeko asmoz. Hezkuntza-sistemak etengabeko hezkuntza sustatzea du helburu, ikaskuntza beste ardura eta jardura batzuekin bateragarria izan dadin erraztasunak emanez. Halaber, administrazio publikoek dute ikaskuntza malguaren eskaintzak sustatzearen ardura, hezkuntza-sistema inolako titulaziorik gabe utzi zuten gazte eta helduek oinarrizko gaitasunak eta titulazioak eskura ditzaten.

Urriaren 16ko 175/2007 dekretuak 33.2. artikuluan xedatutakoaren arabera, aparteko probak egin ahal izango dituzte etengabeko ebaluazio-prozesuan irakasgai, arlo edo moduluren batean gaitasunak lortu ez dituzten Derrigorrezko Bigarren Hezkuntzako ikasleek.

Horiek horrela, prozeduraren eta baldintzen arauak ezarri behar dira, helduek Derrigorrezko Bigarren Hezkuntzako Graduatuaren titulua eskuratu ahal izateko.

Horregatik,

XEDATU DUT:

1. artikulua.- Helburua.

Euskal Autonomia Erkidegoan 18 urtetik gorako pertsonak Derrigorrezko Bigarren Hezkuntzako Graduatuaren titulua lor dezaten proba libreak zehaztu eta arautzea ditu ebazpen honek helburu.

2. artikulua.- Helburua.

Oinarrizko gaitasunak eta etaparen helburuak eskuratu izana erakusten duten parte-hartzaileek gure hezkuntza-sistemaren oinarrizko titulazioa lortu ahal izatea dute 18 urtetik gorako pertsonak Derrigorrezko Bigarren Hezkuntzako Graduatuaren titulua lortzeko probek helburu.

3. artikulua.- Parte-hartzaileak.

Pertsonak, probak hasteko ezarritako egunean 18 urte bete edo betetzen badituzte eta Derrigorrezko Bigarren Hezkuntzako Graduatuaren titulua lortzera bideratutako irakaskuntza ofizialetan (presentziazkoak edo urrutikoak) matrikulatuta ez badaude, aparteko proba horiek egiteko ikasturtean matrikulatuko dira.



4. artikulua.- Probak egingo diren datak eta tokiak.

1.- Hezkuntza, Unibertsitate eta Ikerketa Sailaren menpeko Bilbao, Donostia-SanSebastián eta Vitoria-Gasteizko Urrutiko Oinarrizko Hezkuntzako Ikastetxeetan egingo dira Euskal Autonomia Erkidegoan 18 urtetik gorako pertsonen Derrigorrezko Bigarren Hezkuntzako Graduatuaren titulua lortzeko proba libreak. Ikastegi publiko horien iragarki-tauletan argitara eman beharko dira eremu bakoitzean azken aparteko probak egingo diren datak. 2011-12 ikasturtean azaroaren 25ean eta maiatzaren 11n egingo dira.

09:30ean, 12:00etan eta 15:30ean hasiko diren hiru saiotan egingo dira probak eta eremu horietakoak izango dira: Zientzia eta Teknologia, Gizarte Zientziak eta Komunikazioa.

5. artikulua.- Matrikulazioa.

1.- Hezkuntza, Unibertsitate eta Ikerketa Sailaren menpeko Urrutiko Oinarrizko Hezkuntzako Ikastetxeek, gutxienez, matrikulatzeko epea, 15 egun natural edo gehiagokoa, eta aurkeztu beharreko dokumentazioa sartu beharko dituzte proba horiek egingo direla adieraziko duen iragarkian. 2011-2012 ikasturterako matrikulatzeko epe hauek ezartzen dira: urriaren 26tik azaroaren 10era bitartean azaroko probarako eta apirilaren 16tik maiatzaren 3ra bitartean maiatzako probarako. Epe hori itxi ondoren, eta aparteko arrazoiak badaude, ikastetxeko zuzendariak eman ahal izango die beste pertsona batzuei matrikulatzeko baimena.

2.- Probak egin nahi diren Urrutiko Oinarrizko Hezkuntzako Ikastetxean egin beharko da matrikula.

3.- Ikastegi bakoitzak matrikulatutako pertsonen zerrenda azalduko du iragarki-taulan, izan diren salbuespenak eta konbalidazioak adieraziz. Halaber, matrikula onartzen ez zaien eta konbalidazioa ematen ez zaien pertsonen zerrenda ere azaldu beharko dute, bi kasuetan arrazoia zein den adieraziz.

4.- Ikastegi bakoitzeko zuzendaritzak hartuko ditu probak egiteko neurriak.

5.- Matrikula egiteko behar den dokumentazioa:

- a) NANaren, egoiliar-txartelaren, pasaportearen edo norbere nortasuna egiaztatzen den agiri baten fotokopia (jatorrizkoa eraman beharko du, egiaztatzeko).
- b) Matrikulazio-orria (ebazpen honen I. eranskin gisa sartuta dagoen ereduaren arabera eta ikastetxeak emango duena). Orri horretan ikaslea Derrigorrezko Bigarren Hezkuntzako Graduatuaren titulua lortzera bideratutako irakaskuntza ofizialetan (presentziazkoetan edo urrutikoetan) matrikulatuta ez dagoela aditzera emateko adierazpen bat sartu beharko da.
- c) Konbalidazioren bat eskatuz gero, Oinarrizko Irakaskuntzako Eskolatze Liburua edo/eta Ikasketa Historia edo Helduen Hezkuntzako eremuren bat gainditu izanaren egiaztatzea gaineratu beharko du.



6. artikulua.- Erreferentziako curriculum-esparrua.

2008ko urriaren 31ko Hezkuntza, Unibertsitate eta Ikerketa sailburuaren aginduak, Helduentzako Oinarrizko Hezkuntzaren curriculum espezifikoa zehaztu eta Euskal Autonomia Erkidegoan ezartzen duenak (azaroaren 25eko EHAA), barneratzen du proban aplikatu beharreko curriculumua.

7. artikulua.- Ariketak.

1.- Ariketa bat egingo da hiru esparruetako bakoitzean (Komunikazioa, Gizartea eta Zientzia eta Teknologia). Bakarrik Komunikazio eremuaren kasuan zati desberdinak planteatu ahal izango dira ariketan, hizkuntzaren arabera.

2.- Komunikazio eremuan, atzerriko hizkuntza ingelesa, frantsesa, portugesa, alemana edo italiera izan ahal izango da. Ikastetxeetan ez badaude hizkuntza horietakoren batean trebatutako irakasleak, Lanbide Heziketako eta Etengabeko Ikaskuntzako Sailburuordetzak antolatuko ditu atzerriko hizkuntza horretako proba eta zuzentzeko prozesua.

8. artikulua.- Epaimahaia.

1.- Ikastetxeko zuzendaritzak Bigarren Hezkuntzako irakasleen artean izendatutako epaimahaiburu batek eta beste bi kidek osatuko dute, gutxienez, epaimahaia. Epaimahaiburuak epaimahaiko kideen artean izendatuak idazkari jardungo du.

2.- Hiru eremuetako irakasle banak, gutxienez, egon beharko du epaimahaikideen artean.

9. artikulua.- Ebaluazioa.

1.- Eremu bakoitza 10 punturekin ebaluatuko da, ez irakasgaien arabera, globalki baizik. Komunikazio eremuan hiru hizkuntzek % 25etik gorako puntuazioa izango dute.

2.- Probaren kalifikazio globala 3 esparruen batezbestekoa izango da eta hiru esparruak gainditu beharko dira, titulua lortzeko.

3.- Proba egin ondoren, ikastetxeko zuzendaritzak tokian tokiko Hezkuntza Ikuskaritzari bidaliko dio akten kopia (II. eranskina).

10. artikulua.- Ziurtagiriak eta titulazioa.

1.- Parte-hartzaile guztiek izango dute probaren emaitza globalak edota eremu bakoitzarenak egiaztatzeko ziurtagiri bat edukitzeko eskubidea, ikastetxeko idazkariak emandakoa eta zuzendariaren oniritziarekin (III. eranskina).



2.- Hiru eremuak gainditzen dituztenek, ez beste inork, edukiko dute Derrigorrezko Bigarren Hezkuntzako Graduatuaren titulua izateko eskubidea eta ikastetxeak tituluak emateko proposamenean sartuko ditu ikasle horiek.

3.- Eremu bakoitza gainditu izana hurrengo deialdietan hartuko da kontuan.

XEDAPEN GEHIGARRIA

Salbuespenak eta curriculum-egokitzapenak

1.- Derrigorrezko Bigarren Hezkuntzako ikasle guztiei aplikatzen zaizkien albuespen eta egokitzapenen araudia aplikatuko da proba hauetan.

2.- 1971 baino lehenago jaio ziren pertsoneri euskaratik salbuetsi ahal izango zaizkie. Horretarako, nahikoa da NANan, egoiliar-txartelean, pasaportearen edo norbere nortasuna egiaztatzen den agiri batean agertzen den jaiotze-data ikustea.

3.- Euskarazko albuespena emango zaie, baita ere, Oinarrizko Hezkuntza egiterakoan albuespena izan duten pertsoneri, dokumentu idatziaren bidez egiaztatzen badute.

AZKEN XEDAPENAK

Lehen.- 2001eko martxoaren 15eko Hezkuntza, Unibertsitate eta Ikerketa sailburuaren agindua (2002ko urriaren 21eko aginduaren bidez aldatua), 18 urtetik gorakoek Derrigorrezko Bigarren Hezkuntzako Graduatuaren titulua lortzeko proba libre ezartzen duena, aplikatuko da ebazpen honetan agertzen ez diren gaietarako. Aldi berean, Agindua 2008ko urriaren 31koa, pertsona helduen Oinarrizko Hezkuntzaren berariazko curriculuma erabaki eta Euskal Autonomiako Erkidegoan finkatzen duena.

Bigarrena.- Ebazpen honetan xedatutakoa aplikatu eta garatzeko behar diren argibide guztiak aditzera emateko baimena ematen zaio Etengabeko Ikaskuntzako zuzendariari, haren eskuduntzen esparruan.

Vitoria-Gasteizen, 2011ko urriaren 13an

Lanbide Heziketako eta Etengabeko Ikaskuntzako sailburuordea
José Carlos Crespo Velasco